

Broj: 01-1-1360/22

Datum: 29.9.2022.

ZAPISNIK SA 15. REDOVNE SJEDNICE UPRAVNOG ODBORA JU BIBLIOTEKA SARAJEVA

**održane dana 28.9.2022.godine (srijeda) u poslovnoj zgradi Biblioteke, u ulici Mis Irbina
br.4, sa početkom rada u 16:00sati**

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora,
- Igor Radovanović, član Upravnog odbora
- Amila Taljanović, članica Upravnog odbora
- Midhad Kurtović, član Upravnog odbora ispred kolektiva
- Ivana Henda, članica Upravnog odbora

Sjednici prisustvuje i direktorica JU Biblioteka Sarajeva, Merima Lendo, kao i Emira Marić Jašarević, voditelj Službe za nabavku i stručnu obradu bibliotečke građe. Zapisnik vodi Azra Šabanić, tehnički sekretar, zbog opravdane odsutnosti Ajle Janjoš – bolesna.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 14. sjednice Upravnog odbora JU „Biblioteka Sarajeva“ održane dana 23.8.2022. godine;
Prilog: Zapisnik sa 14. sjednice Upravnog odbora;
2. Utvrđivanje zaključaka o realizovanim odlukama i aktivnostima sa prethodne sjednice;
3. Usvajanje Prijedloga o otpisu i zamjeni za izgubljenju bibliotečku građu;
4. Razno.

Ad. 1

Razmatranje i usvajanje Zapisnika sa 14. sjednice Upravnog odbora JU „Biblioteka Sarajeva“ održane dana 23.8.2022. godine, usvojen sa tri glasa ZA i dva glasa suzdržani.

Ad.2

Utvrđivanje zaključaka o realizovanim odlukama i aktivnostima sa prethodne sjednice, usvojena sa tri glasa ZA i dva glasa suzdržani.

Ad.3

Kao izvjestilac po pitanju treće tačke Dnevnog reda, sjednici je prisustovala Emira Marić-Jašarević, voditelj Službe za nabavku i stručnu obradu bibliotečke građe.

Obrazlaganje počinje uvodom u protekli period u kojem je Upravni odbor donio Odluku o otpisu i zamjeni bibliotečke građe na godišnjem nivou, međutim u razgovoru sa direktoricom JU Biblioteka Sarajeva, Merima Lendo, donesen je zaključak da bi najbolja opcija bila da se donesu dvije Odluke na godišnjem nivou, prva za period od 01.01.- 30.06. , a druga Odluka odnosila bi se na period od preostalih šest mjeseci te tekuće godine, jer je ispravno da se Odluka donosi unazad kada imamo već definisane spiskove knjiga za otpis. Po riječima Emire - Marić Jašarević, voditeljica Službe za nabavku i stručnu obradu bibliotečke građe, kolege koje rade na odjeljenjima JU Biblioteka Sarajeva, sakupljali bi zamijenjenu građu tokom perioda od šest mjeseci, nakon čega bi se sakupljena građa dopremila u Službu za obradu, pa kao i do sada, a dugi niz godina uposlenica pomenute Službe, Melisa Bihorac, bila bi u službi kontrolora, procijenivši da li zamijenjena knjiga po svim parametrima odgovara izgubljenoj knjizi.

Član Upravnog odbora JU Biblioteka Sarajeva, Midhad Kurtović, govori da je kako on pamti, Odluka o otpisu i zamjeni građe, koju je donosio Upravni odbor, važila godinu dana. Dalje ističe, da bi najbolje bilo da se Odluka donese na početku godine, sa čijom konstatacijom se ne bi složila direktorica JU Biblioteka Sarajeva, Merima Lendo, prema čijem mišljenju je najbolja opcija da se donesu dvije Odluke u toku godine, jer nema logike donositi Odluku unaprijed za tek predstojeći period, a bez spiskova knjiga koje su otpisane i zamijenjene.

Emira Marić Jašarević, voditelj Službe za nabavku i stručnu obradu bibliotečke građe, smatra da bi prva Odluka za period od prvih šest meseci te tekuće godine trebala biti donesena na početku godine, u januaru, a druga Odluka najkasnije do 25.12, da bi sve bilo završeno do kraja godine, odnosno 31.12. te godine.

Član Upravnog odbora JU Biblioteka Sarajeva, Midhad Kurtović, misli da bi Odluke o otpisu i zamjeni izgubljene bibliotečke građe trebalo donositi na svaka tri mjeseca, a predsjednica Upravnog odbora, Aida Čupović, govori da je pregledala spisak knjiga i da se u principu ne radi o velikom broju naslova, tako da je period za Odluku koja važi šest mjeseci sasvim dovoljan. Direktorica JU Biblioteka Sarajeva, Merima Lendo, postavlja pitanje šta se smatra izgubljenom knjigom, a Emira Marić Jašarević, voditelj Službe za nabavku i stručnu obradu bibliotečke građe, govori da postoji procedura na osnovu koje se zaključuje da je knjiga izgubljena. Procedura podrazumijeva tri pisane opomene od strane bibliotekara korisniku kod kojeg su zadružene knjige, zatim telefonski poziv kao i upozorenje putem e-maila, nakon čega knjiga ide u otpis i

traži se zamjena. Ako se ne stupi u kontakt niti na jedan način iz standardne procedure i knjiga ne bude vraćena niti zamijenjena, takvi slučajevi rješavaju se revizijom.

Ivana Henda, članica Upravnog odbora JU Biblioteka Sarajeva, govori da nisu rijetki slučajevi gdje korisnik duguje biblioteci knjigu po pet ili šest godina, a predhodno taj korisnik nije bio zaveden u sistem Cobissa, pa je u tom slučaju relevantan karton zaduženja knjige koji se čuva. Merima Lendo, direktorica JU Biblioteka Sarajeva, pita koliki je vremenski period dok se ne dođe do saznanja da knjiga neće biti vraćena, a Ivana Henda, članica Upravnog odbora, govori da se radi o periodu od nekih šest mjeseci do godinu dana.

Član Upravnog odbora JU Biblioteka Sarajeva, Midhad Kurtović, pita kakva je dalja procedura i tretman za korisnika koji nije vratio, niti zamijenio izgublenu knjigu, Ivana Henda, članica Upravnog odbora JU Biblioteka Sarajeva, također uposlenica Centralnog odjeljenja JU Biblioteka Sarajeva, govori da je njen individualni stav prema takvim korisnicima, neizdavanje knjiga u budućnosti, kao i zabilješka u napomeni i obavještanje kolega sa svih odjeljenja JU Biblioteka Sarajeva o neadekvatnom postupku korisnika.

Nakon diskusije, donesen je zaključak da se na godišnjem nivou donose dvije Odluke o otpisu i zamjeni knjiga, i to za period unazad kada imamo jasno definisane spiskove knjiga.

Treća tačka Dnevnog reda, jednoglasno usvojena.

Ad.4

Pod tačkom razno, prisutnima na sjednici obratio se član Upravnog odbora Midhad Kurtović, koji navodi da prema njegovom zapažanju Centralna čitaonica JU Biblioteka Sarajeva bilježi slabu posjećenost i da bi se trebalo uraditi nešto po tom pitanju u smislu renoviranja u cilju poboljšanja uslova za korisnike. Smatra da je slaba posjećenost centralne čitaonice velika šteta jer ona posjeduje naslove koji su rariteti, najvrijedniji fond Biblioteka Sarajeva.

Aida Čupović, predsjednica Upravnog odbora, smatra da je problem neposjećenosti u građanstvu, tačnije studentima koji provode jako malo vremena učeći.

Merima Lendo, direktorica JU Biblioteka Sarajeva, govori kako je godinama unazad bila uposlenica čitaonice u Nacionalnoj i univerzitetskoj biblioteci u Sarajevu, koja je u tom periodu brojala pet čitaonica, a svaka ponaosob je imala maksimalnu posjećenost. Onda se desila Bolonja (sistem obrazovanja na fakultetima) što je rezultiralo da studenti više nemaju potrebu za istraživanjima, pronalaskom literature, kao i trošenje vremena u tu svrhu u čitaonicama. Na dalje navodi da je na početku svoga mandata u JU Biblioteka Sarajeva pokušala sa promjenama u vidu zamjene stolova i stolica ispred centralne čitaonice, kao i nabavkom ormarića za ličnu upotrebu studenata, da bi se stekli bolji uslovi za korisnike, ali ni to nije rezultiralo nekim napretkom.

Navodi, da će uvijek podržati svaki konstruktivan prijedlog za animiranje posjete centralnoj čitaonici.

U završnici četvrte tačke Dnevnog reda direktorica JU Biblioteka Sarajevo, Merima Lendo, upozna je prisutne sa proteklom aktivnostima biblioteke kao što je potpis ugovora sa Općinom Ilidža za besplatne članarine u novčanom iznosu od 1.250,00KM.

Što se tiče Pravilnika stalnih sredstava koji je odobren od strane Upravnog odbora, a tiče se prodaje automobila u vlasništvu Biblioteke, isti treba uputiti prema Ministarstvu finansija jer se radi o budžetskim sredstvima.

Na dalje govori da je JU Biblioteka Sarajevo prihvatila ponudu o saradnji na prijedlog gospodina Adnana Muminovića, asistenta na Ekonomskom fakultetu u Sarajevu, koji je i bloger te je svoje blogove objedionio u knjigu koju će prodavati, a cijelokupan prikupljeni iznos od prodaje pomenute knjige poklonio bi Biblioteci. Dogovoreno je da donacija bude u vidu knjiga, naslova koji su potrebni Biblioteci. Prije izvjesnog vremena, kontaktirani smo od strane gosp. Adnana, koji je rekao da je prodaja završena i da je sakupljen novčani iznos od cca 16.000,00KM. Mi, kao Ustanova, dužni smo da dostavimo spiskove potrebnih knjiga, predračune, a naslove će kupiti Adnan Muminović.

Kao posljednja informacija je ta da su pristigla novčana sredstva iz Američkog kutka kao i svake godine, a ove godine je u pitanju iznos od cca 21.000,00KM, ali novost u međusobnoj saradnji između Američke ambasade i JU Biblioteka Sarajevo je ta da neće kao do sada biblioteka biti posrednik pristiglog novca, već će Američka ambasada direktno uplatiti dio novčanih sredstava organizaciji koja će biti zadužena za organizaciju i realizaciju programskih aktivnosti u Američkom kutku.

ZAKLJUČCI:

- Zapisnik sa 14. sjednice Upravnog odbora JU „Biblioteka Sarajevo“ održane dana 23.8.2022. godine, **usvojen sa tri glasa ZA i dva glasa suzdržana.**
- Utvrđivanje zaključaka o realizovanim odlukama i aktivnostima s prethodne sjednice, **usvojena sa tri glasa ZA i dva glasa suzdržani.**
- Treća tačka Dnevnog reda **usvojena je jednoglasno** uz konstataciju i zaključak da će se u toku godine donositi dvije Odluke o otpisu i zamjeni bibliotečke građe, na nivou perioda od šest mjeseci i to za period unazad kada imamo već definisane spiskove izgubljenih knjiga.
- Direktorica JU Biblioteka Sarajevo, Merima Lendo, upozna je prisutne sa aktivnostima biblioteke u proteklom periodu i to:
 1. Potpis ugovora sa Općinom Ilidža za besplatne članarine u novčanom iznosu od 1.250,00KM.
 2. Pravilnik stalnih sredstava koji je odobren od strane Upravnog odbora, a tiče se prodaje automobila u vlasništvu Biblioteke, bit će upućen prema Ministarstvu finansija jer se radi o budžetskim sredstvima.


3. JU Biblioteka Sarajevo prihvatila ponudu o saradnji na prijedlog gospodina Adnan Muminovića, asistenta na Ekonomskom fakultetu u Sarajevu, koji je bloger te je svoje blogove objedinio u knjigu koju će prodavati, a cijelokupan prikupljeni iznos od prodaje pomenute knjige poklonio bi Biblioteci. Prikupljeno je cca 16.000,00KM, te će novac biti doniran u vidu knjiga, koje će biti kupljene na osnovu spiskova koje dostavi biblioteka.
4. Pristigla sredstva iz Američkog kutka kao i svake godine, a ove godine je u pitanju iznosu od cca 21.000,00KM, ali novost u međusobnoj saradnji između Američke ambasade i JU Biblioteka Sarajevo je ta da neće kao do sada biblioteka biti posrednik pristiglog novca, već će Američka ambasada direktno uplatiti dio novčanih sredstava organizaciji koja će biti zadužena za organizaciju i realizaciju programskih aktivnosti u Američkom kutku.

Zaključuje se sjednica u 17,05 sati.

Zapisničar


Azra Šabanić

Predsjednica Upravnog odbora



Aida Čupović, prof.